

أمي يا نبع العفاف يصير بالجنة الزفاف
حسين عمي ابعضله هذا وگت المرجله

يبنى ياللي من جمالك شعت انوار الحسن
من بعد عينه ادخرتك سلوى ليه بهل زمن
تريد ترحل يا حبيبي و تترك أمك بالشجن
و من اجينا الغاضرية ما حضينا الا بمحن

أنا رملة بالحبيب امك و گلبي بلهيب
و من همومي ناكله هذا وگت المرجله

يمه ادري بالحنية تفرحين ابحضري
اقسم اعليج ابغلاتي يا الاصيله تصبري
ارد اززل هالأعادي بالحسام الحيدري
و لو اطيح ابدمي اخذي تحفة بيها تعطري

يمه يا معنى الحنان أنا فخرج بالجنان
نصير بأعلى منزله هذا وگت المرجله

عندي يا جاسم وصية وصى بيها المجتبى
و ابرغم كسوة مغيبك على گلبي و تتعبه
لكن انتة تروح فدوة العمك اتضحى اب ايا
أنا اريدك من نجيعك يبنى اسمك تكتبه

يمه طابت لي النفس ما اريدن هالعرس
و روح زلزل كربله هذا وگت المرجله

نزل جسام و ضيائه چالشمس بين السحاب
فدا عمه و وقى وعده و انثنى فوگ التراب
طاح عالغبرة و دمائه أصبحت ليه الخضاب
يساعد الله رملة امه من بعد فگد الشباب

جسمه متخضب دمه روحه رفقت بالسمة
و جاله عمه يحمله هذا وگت المرجله